

Ado Achipi Iono!

Tungkupu Sukusu Piyetusu



Akumzapu Kuchougo
Kiphi Kichekutsu

18



Nono iqa akeu lakhu lo apokha tsatsai sukutsulvelo. Ningu itehiye Baibel lo tungkuputsa qo lo tsupuakeu lo akushuu phuilojunikeu shiveake. Tungkuputsa hipau lo Jisu no ayeghi lo atighiu ighinikeu ghili tsupuani, eno Pa kithi ghili ghi pipuani. Khristo no ide ighinike zulo Alhou no akhoto tsape lakhi pesu ayeghiqha lau kutughutsu akeu ghili nono akiphi kichekutsu 16 lono philuvea. Atsape kokutha atighiu lo tsupuakeuno timiqo vilo Alhou mlla, eno ajukuvu pesu Pa tsulo, kughengu Pa tsakukugha do hu ighiveake ipi (Piyekusu 14:7). Danel akiyehdo 8 eno 9 lo Alhou no Pa wu kughathakibe momu atsakukugha ashekhou huthunikeu do Piyekusu puani. Tungkuputsa hipau lono Khristo ye Messiah ke ipi kimichitsu ani. Tungkuputsa qo gholo hipauno kutauqo nguno alau akimiji akhotou shi ani. Hipau ghili timi aghulo likhino alokumusu shi phuju eno ithi. Akichiuno tuqhou hipau ghili vethamlave. Nono hile akiphi kichekutsu lo phimphi zuuno Danel akiyehdo 8 eno 9 phijuve paghilo. Tishi aye tile akiqi kichepiyesu akeqo ghili akivishi vethalunanike.

1

Danel 8:3, 4 lo pikeuno bheritsu lakhino kulolau hailo, ahuu haiqho eno apeu haiqi ipi, ti bheritsu ye kiu kiqikea?

“Bheritsu khikhi akibo kini pu akeu nono ithuLukuye – panongu ye Media lo eno Persia lo kukamiqoke (Danel 8:20).

Khokichile: Bheritsu pesu puzuu no Medo-Persia kukaqha kimighitsu, akukaqha hipau pesu ava ghi kimighitsu ani (Danel 7:5). Hipau ghili (akiphi kichekutsu 15 lo ghi julo) Danel eno Piyekusu lo tungkuputsa qo ye piidetsukeu eno pekhotsukeu eno hepho piyesutsu keu ani. Kiu pipuwopuatsu eno asheazu shitsukeno tipa qo ghili kimighitsu eno kiqitsukeu ithulu ani. Baibel lo tungkuputsa qo ye mutsumishei eno mutsuqhei pephepiyesu puani.



Bheritsu pesu Medo-Persia kimighitsu ani

2

Hipau shelo Danel ye kiutoikeu lhoxu ithulukea?

“Anetsu, tipau ye Greece kukaqha ke. Lhoxu tipau nthethi dolo akibo kije lakhi shopu ani, eno akibo tipau ye akukau atighiu kiji. Akibo tipau shochheveku zungu lono akibo kutau bidi shoba ipeghive. Tiye shiyeh tipau lono akukaqha bidi kijetha ipeghivekeu kiji. (Danel 8:21, 22).

Anetsu pesu
Greece kukaqha
kimighitsu

Khokichile: Hipau shelo Danel lau piyesukeuno, anetsu tipauye akibo kije lakhi shopuno ipeghi. Anetsu tipau no ighono akumthu lono paikha lono bheritsu hu leluve, ikemu tipau kutsu lo akibo kije akeu hu shochheve, eno tipau a lono momu tipau zungu lono akibo kutau bidi shoba ipeghive. Anetsu tipau pesu Greece kukaqha kimighitsu, eno tipau lo akibo kije lakhi shopu akeu pesu akukau atighiu Alexander akijeu kimighitsu. Ikemu Alexander akijeu khikhi akibo akijeu kimighitsukeu huye alho ikhovekeu lono pa kukaqha hu kikije bidi shi kijetha ipeghive. **Danel 7:6** lo alhongushuu (Leopard) no akutsu bidi puakeu ghi pesu Greece kukaqha kimighitsu. Kijetha ipeghivekeu kukaqha hipaqo ye khunoqokeno xu-lhe lono tipaqo ghili mlalei kimichitsu ani.



3

Danel 8:8, 9 kiji lo, hipau shelo akibo kutau aghulo lakhi ipeghinani ipi akeu ye pesu kiu kimighitsu anikea?

Khokichile: Akibo aghulou hipau pesu Rommi kiqitsu. Hamino hipau pesu Antiochus Epiphane, Seleucid lo akukau, khiu Khristo zuu tiqheli akiniu ghulokilo Palestine ghakhu qha lo ayehepe chekeu, pano ado lakhi Judahmi no Alhou mlla chekeu kumla lo akupuna tsuvekeu kimighitsu cheni. Kutami kutomono Reformation lo sakiphemiqo gholo sukuqha puzu akibo aghulou hipau pesu Alhou kumthami Pagan Rommi, eno Khristo kukuhou lo sakipheu shi akeu papal Rommi kimighitsu ighi ani. Hipau ghili kuchou kimichitsu akeu ninguno phujuni:

- A.** Tungkuputsa lo “piidetsu eno pekhotsu” akeu kiji lono hile kimighitsu akeu kuka hipau ye Rommi shikuzushi phulu ani. Kughengu **Danel 2 eno 7** lo pi akeuno Greece shelo Rommi kukaqha ithughikeu pipuani (**Danel 7:24-27**). Rommi kukuhou lo pope no pa yehkipe ye Khristo kukaqha zuqhu lo anike ipi pi ithughive. **Danel 8** lo akibo aghulou hipau kimichitsu akeuye kuchou no Rommi no Greece shelo ipeghi, ikemu ashekha lo akichiqhikepushi aw no kumono aghola kutau no pa puhavenani- tiye Khristo no ide ighikelono shinani (**Danel 8:25 pesu Danel 2:34** **sasu kimighijulo**)



- B. **Danel 8** lo Medo-Persia ye “kije” shinani ipi (**ajo 4 lo**), ikemu Greece ye “ighono kije” shinani (**ajo 9 lo**). Xu-lhe lo pi akeuno Greece shelo ipeghikeuno Israel shou ayehepe keu kuka kughushu ye Rommi nguno alau kutauye khiumu ipeghi puamoe ipi.
- C. Rommi no pa kukaqha apeu Egypt kutolo qhachho iq. Kipelau Macedonia, eno ajukuvu yeghi Palestine kutolo qhachho ipeghi. Tungkuputsa lo pipuakeu kiqi lono hipau ye Rommi nguno alau kutami khiumu kuha (**ajo 9**).
- D. Rommi likhino aqokitikhiqo shou Akukau Jisu ghochile ipeghi (**ajo 11**) kukamiqo shou Akukau ghochile (**ajo 25**) Alhou kumthami (Pagan Rommi) no Pa kughape yedave, eno hipau no Judahmi chinehki kutsalevetsu.

Danel akiyehdo 8 lo akibo aghou tsupuakeu ye Rommi – Alhou kumthami (pagan Rommi) eno Rommi kukuhou lo pope yehkipe kuma kinikujoke. Ashekha ghulokilo pope wu hiyam no akibo aghulou kumla peithanani.

Rommi kukuhou lo pope yehkipe lono kungughha lo chinehki hu ikhipe ayeghi lo vepiqivetsu (**ajo 11**) eno pesu apukhuno qodanedavetsu (**ajo 13**) Kunguga lo ningu Chineh Tou no mla akeu lakhu penishikelauno pano ayeghi lo chinehki lo Achinemi lakhi kumla pepu puzu paye axine kipimi qhivetsukulupu kuka anike ipi pukha. Ikemu Alhou likhino axine kipimi qhivetsulu nani (**Luk 5:21**), eno Jisu likhino ningu Chineh Tou (High Priest) eno Lapuu (Mediator) ke (**1 Timothi 2:5**).




4

Danel 8 lono ningu vilo pi akeuno, akibo aghulou kuka huno Alhou timiqo kutsavenani (**ajo 10, 24, 25**) eno kuchou (truth) hu pesu ayeghi lo ikhivetsunani (**ajo 12**) eno tile inijukeu, Alhou timi eno kungugha chinehki ye ado khithoi kutolo apukhu qholo qhieno qodaneda ananikea? ipi iniju kelo tile kungugha ye kishi khochilekea?

“Pano Ivilo pi, “atsala 2,300 tove kithishi achinheki shikimitheve nani” ipi (**Danel 8:14**).

Khokichile: Kungugha no khochile keuno atsala 2,300, tiye tungkupu tsala kiqi lono pebidenikeloye ampe 2,300 thiuye kungugha chinehki shikimitheve nani. (Hi kumsululo: tungkuputsa lo atsala lakhi ye ampe lakhi sasu aqhemi ipi (**Ezekel 4:6; eno Akikihi 14:34 lo julo**)). Ninguno phuluvekeuno ayeghi lo chinehki lo Israelmiqo no shichekeuye Zuqhushitsukeu tsala momu kughathabeve cheku tsala (day of atonement) tsala lono Achineki shikimitheve cheku ghili phuluvea. Tipau tsala lo Alhou shou pulu pukhube pe



Akibo aghulou kuka lono Alhou u timi asale chighi pishipuju eno puhavetsu.

aghikemiqo pesu Pa wu timiqo ipi kimichiluve che, eno panongu xine kumla lhokusaqo kaku lo Yekikithi puaghikeu kumtsu nuxavetsu che. Ikemu atsala tipau kutolo Israelmi khiunogo no pano xine lo mughodape aghikeno tipaqoye Israel lagha launo alhokuthu ghenguno hapheveche. Titoi pano ghazu (camp) lo axine jeli kumtsu shikimitheve che. Hile kungugha no Danel lau piputotsu akeuno, akibo aghulou kuka ye tishi alhokuthu lo thuu apemonani, pa pelo

ayeghiqha qhasu apemonani, eno ashekha kuha tishi Alhou timiqo shikighime chepemo nani, ikemu ampe 2,300 tove kithishi kungugha chinehki lo kughathabekeu nepa lusuwenani. Tile axine eno axinemi amulo pebidemono aghikemiqoye kungu-yeghiqha launo lhokta hapevenani, momu lhokta ghenguno kutsavenani. Axine eno axinemiqo kumtsu kutsalekhavenu kungugha shikimithepe tsughukhui qhive nani. Alhou eno Alhou timi ghochile chekemiqoye muduniyi khule kimithevenani. Tile Eden lo alokughuno eno kuqhakulo huno kunguyeghiqha chhitoivenani.

5

Tilehi kungumi Gabriel no mtazu

shimayesakepu tsa piidetsukeu ye kiukea?

“Timi nu, hi vethalulo, ashekha ghulokiu ghengu lono piyesu puakeu tungkuputsaquo ye ... khavelo ... eno ashekha ghulokiu aloghukighide tsala ighikelo kiu shinanikeno lno ovilo pitsuni ... ikemu piyekusu (vision) hu khavelo eno amichipu chishichekeu (seal) pesu chishidape qhivelo, kughengu hipau ye ighinikeulo atsala kutomo thiu salake” (Danel 8:17, 19, 26, hipau gholo hepho piyesutsu keu ghi sukuqha puatsu ani)

Khokichile: Gabriel no kiche piyesutsukeu no, Piyekusu lo ampe 2,300 tsupuakeuye ashekha ghulokiu no shikupunikeu pipuatsu ani. Tiye ninguno akiphi kichekutsu 15 lono philuvekeu toi AD. 1798 mpe nguno ashekha ghuloki huthuvea. Kungumino ningu pelo ampe 2,300 thiu tsu akeu tsape ye iphi tiqheliqo kikishekha lau ashekhou tsape tsu akeu ghili vethalu penishi ani. Tighenguno atsape hipau ye ishi ningu tiqheli ashekhala miqo lau tsu akeu tsape ighono akhoto lakhi shi ani.

Danel akiyehdo 9 ghili kilethisutsu ani

Danel 8 lo piyesuveke thiu, kungumi Gabriel no ighieno piyekusu tipau ghili hepho piyesutsu. Kughou Gabriel no atsala 2,300 ghili pikeno tile Danel ye ighono pa kukumushe shive eno ikiqive, eno ado hami suve. Pano pa shiahji putholuveke thiu paye akukau kumla lo wuve. Ikemu atsala 2,300 ghili hepho piyesutumono qhivekeu ghenguno tipau kiqiye kiu keno ithinishikeu pa lolo kumsukimigheikeu ache. Danel no amulokutsu shieno pa wu timiqo ghengu lono inikhu, judahmi Medo-Persia kughu lo akemiqo ghengu lono inikhu. Pano pa xine piphe eno pa wu timiqo kipimi qhivetsulopi inikhu. **Danel 9** ye Danel no axine piphe Alhou vilo akighinishi khutsukeu lono huthu ani. Nono akiphi hipau phiwomphi zuuno atighishi **Danel akiyehdo 9** phijuve paghilo.

6



Danel no inikhu ake lo khiuno wo pa bu eno kiutoikeu tsape tsukea? (Danel 9:21-23)

Khokichile: Kungumi Gabriel no ighieno pa bu, eno puzuu Danel 8 lo piyesukeu tungkuputsa pikhamono qhivekeu pitsunike ighi (**Danel 8:26 pesu Danel 9:23 sasu kimighijulo**) Danel no Alhou vilo Gabriel no suighikeu tsape hu vethalupelopi khu akeu hu khochiletsu ani.

7

Ampe 2,300 dolono ampe khijehi kothape Danel timi Judahmiqo, eno pano phughi Jerusalem ghenguno tsukea? (Danel 9:24)

Khokixhile: Apineh do lhotsuni kothape Judahmi tsu ani. Hi apinehdo lhotsuni ye ampe 490 qhemike ($70 \times 7 = 490$) Hipau do lono Alhou timiqo ye Medo-Persia kughu lono khaqhi phevenikeu pichhotsu ani. Alhou no ampe 2,300 lono apineh do lhotsuni kothape Judahmiqo tsu ani. Panongu pelo amulo pebideluvono Alhou lau xaide ighivepenikeu do tsu ani.



Akukau Artaxerxes no Jerusalem mulakithe lupenikeu ampe 457 BC lano azah tsuve.

8

Hi tungkuputsa lo ampe 2,300 eno 490 mpe huthukeuye kiu shi ipeghikeu lono huthukea (Danel 9:25)?

Khokichile: Ado aghuloki hipau huthukeuye Persia lo akukau Artaxerxes no Israelmi pano Medo-Persia lo akughu lo achekemiyo pelo Jerusalem lo idewono pano phughi puthu kithelupenikeu pulozah tsukeu mpe lono hi ampe 2,300 huthu. Pulozah tsukeu mpe ye **Ezra 7** lo, BC. 457 mpe lono tsupuaghiyeu phulu. Tiye akukau no kawo ampe akutsuniu shi akelono pulozah hipau tsupuni (**ajo 7 lo**) eno ahzakutsu hipau ye ghile tusho (autumn) lo huthuve. Artaexerxes ye BC. 464 lono kathuve.

9

Kungumino tungkuputsa lo apineh do 69, tiye ampe 483 (69x7=483). BC. 457 lono huthukelo hi ampe 483 ye **Danel 9:25** lo Messiah ighikeu do aghuloki tokeshea?

Khokichile: Iye. Ampe 483 hu BC. 457 lono kihithuju kelo iphi AD. 27 to ani. (Hi ithilo: tile abo mpe kuha). Messiah ipi akeu kiqi ye “nukishekeu” ipi ani (**Johan 1:41 margin**). Jisu ye Akimithe Ghungu no nukishephetsu (**Apostolmi 10:38**). Pano azuloputsu (baptiz shi) kelono nukishe (**Luk 3:21, 22**). Pa nukishelukeu mpe ye Tiberius Caesar no kawo ampe chighi pungu shi ake lono (**Luk 3:1**) eno tipau mpe ye AD. 27 shia. Hitoi shi ipeghinikeu ghili ampe 500 zuuno tungkupumi no pichho puatsukeu shikupuke. AD. 27 lo Jisu no Pa kukutsu huthunikelo pikeuno, “ado hu shikupuvae” ipi Pano tungkuputsa shikumtotsu (**Mark 1:14, 15; Galatiami 4:4**). Hitoi Jisu ye tungkuputsa lo ampe 2,300 pichho puwo puatsukeu kiqi lono Pa kumla huthuve.



Hipaqo lono ninguno akichiqhikepushi ithulu akeye:

- Kuchouno Baibel ye Alhou no muzusutsukeu ke
- Kuchou no Jisu ye Messiah ke
- Kuchou no atsala, aqhi eno ampe kikihi 2,300 lono ampe 490 kothaphe pe Israelmiqo pelo pano phughi Jerusalem puthukithe lulopi pulozah tsukeu shikupukeu ghili ithulu ani.

10

Tungkuputsa lo ampe ghili tsupuakeu ampe 490 lono ampe 483 ikhipheluve aye tile shikumphi keu ampe 7 alah aphi, tiye kishikeukea? (**Danel 9:26, 27**)

Khokichile: Apineh do hipau lono Jisu ghiqhivenikeu ghili pipuatsu ani. AD. 27 lono Pa ye Messiah ke ipi nukishe, tishiwo ampe kuthu tuxa AD. 31 ghixu tusho loye Pa kughapesu cross lo yedave. (**ajo 26**) lo Xachilekulu Tsakivi (gospel) pesu tsunikeu piyesu puani. Apineh do 62 thiye ye Messiah ghiqhivenani ikemu palikhi Pa ghengu lono kumo. “Alhou she! Ni Mpeu ye Pa kumla lhokusa ghenguno pesu pithiveke kumo, “Kughengu Paye kiu xinemu kitiqemoke” (**1 Pitor 2:22**) ikemu ningu xine ghengu lono Pa yedaveke” (**1 Korinthiami 15:3; Isaya 53:5**). Axine launo ningu xaphelunike ghenguno Jisu no ningu kimiyeku lono puloniqhiyi shieno Pa kuru pesu ningu xine gha shivetsuke. Ampeu she - Hallelujah! Kiutoi keu xaphekulu kela! **Danel 8, eno 9** lono Jisu no kimiyeno ningu xaphelutsukeu ghili kiche piyesutsu ani.

11

Ampe kuthu tuxa thiu Jisu pesu pithive, **Danel 9:27** lo apineh do lakhi-tiye ampe 7 “Pano kutomo sasu pushoqhi shikumtotsu nani” (KJV) ipikeu hipau ye kiu kishinikeu pi anikea?



Akhopemiqo no Judahmi aqokitikhi kutsulu

Khokichile: Pulošoqhi ye kumughatsunikeu kupulokile keu, tiye panongu xine launo panongu xaphelutsumikeu piqhipuakeu pulošoqhi shipuakeu hu iqhikumto tsunikeu pi anike (**Ibrimi 10:16, 17**). Ampeu no akumla hipau ampe kuthu tuxa mlaveke thiu Pano Pa khopemiqo vechewono pulošoqhi hipau iqhikumtotsu (**Ibrimi 2:3**). Pano atighishi panongu hapesu Judahmiqo lau puu (**Mathi 10:5, 6**) kughengu Pano kisheluvekeu timiqo ghengu lono ampe 490 kothape tsukeu dolo itaghi ampe kuthu tuxa aphike ghengulono. Tipau do, lono shiyeh hipau pelo amulo pebideve no Pa lau xaide ighivenikeu do kivi tsupuanike.

12

Ampe 490 Judah shiyeh pelo amulo pebideluve penikeu do kivi tsukeu mpego kikishekha AD. 34 lo kiu shivekea?

Khokichile: “Panonguno xachilekulu tsakiviu (gospel) pesu ayeghiqha lo timiqo, shiyehqo kumtsu lau pikulha thuve” (**Apostolmi 13:46**). AD. 34 lo Judahmiqo no atu pesu amikuchou deacon Stephen veqhipithive. Tipau tsala nguno huthu puzu Judahmi aqo lono Jisu no xachilekulu tsape suighitsukeu hu milive. Alhou no panongu xalunikeu kupughu shitsukeu hu tuchilevekeu lono panongu ye kisheluvekeu shiyeh lakhi shichekeu hu Alhou no panongu launo ikhichileluve. Tithiuye khuno khuno shiyeh eno timi shi aghiepimu Pa ikhilu eno Pa huthukemi pesu aghungu lo Judahmi ipi kihisuluve, eno tipaqo pesu “piqhipuakeu kiqi lono amheghi ighinikemiqo shive” (**Galatiami 3:27-28**) Aghungu lo Judahmi ipi akemiqo gholo Judahmi kuchomiqo sukuqha ani, ikemu panongu luthu lakhikhino Jisu ye pa luthu Xachilekululu ke ipi ikhilu eno puLukmi likhi ikhilunani. “Niye Judahmi kuchouke ipi aghikemiye Jisu wu xachilekulu lo iloghilumo nani” (**Rommi 2:28, 29**).

Stephen veqhipithiveke thiuve Akhopemio ye Judahmikumokemi (gentiles) miqo kutsu thuve.



13

AD. 34 thiu tungkuputsa lo ampe 2,300 tsupuakeu lo achili aphikeshea? Kiu ghuloki lono tungkuputsa hipau ashekha shinanieka? Atsala tipau lo kiu shinaniepi kungumi no pikea (Danel 8:14)?

Khokichile: Tile ampe 1,810 achili aphi ($2,300 - 490 = 1,810$) ado aghuloki hipauye AD. 1844 lono kishekha ani ($1810 + 34 = 1844$) Kungumino pikeuno, "Kungugha chinehki shikimitheni" ipi, tiye kungugha chinehki lono kughathabekeu kumla huthunikeu pi. (Ayeghi lo achekeu chinehki ye AD. 70 lono kutsavea) Ninguno akiphi kichekutsu 17 lono philuvekeuno kungugha lo kughathabenikeu tsala ye ashekha ghulokiuno huthunikeu pipuani, tiye AD. 1844 lono huthunikeu. Alhou no AD. 27 lono Jisu ye Messiah ke ipi nukishenani ipi pughupe qhitsukeyu toi atsala, adoaghuloki hipau ghi Alhou no pughupe qhipuani. Ado aghuloki kishekhala Alhou timiqono hipau tsape pikulhatsunani (**Piyekusu 14:6, 7**). Nono akiphi kichekutsu 19 lo phiLuklo noye akichiqhive nani. Noah tsala lo azukucho ighinicheniepi pikulhatsukeu mpe 120 tovekihishi kuchouno axinemiqo shou kughathabeve (**Bothubo 6:3**). Danel tsala lono ashekha ghuloki ye AD. 1844 ghulokiyo no huthunikeu pi (**Danel 8:14**) eno kuchouno ashekha ghulokilo kughathabenikeu ghili pikulha thuvea.

Kughathabekeu tsala (atonement) kiji

Kimiyemi tsa kiji lo atonement ipikeu abolho kijiye aghashivetsu keu, ado hami lo kupulokile keu, kumtsa kuposhu chenikeu kupulokile keu, kunguyeghiqha kuchopu lo tokhoi eno kupukulai xuchenikeu kupulokile keu. Nguno akiphi kichekutsu 2 lo philuvekeutoi, kungumi akuka kughushu Lucifer no Alhou eno Pa wu yehpeka ghochile ithughikelo tile kungumi saje akuthu ye Lucifer hekibide gholo ilo kuqhava (**Piyekusu 12:3, 4, 7-9**)

Alhou eno Pa kikimiye hebidevekeu pesu akipimi momu axine ipi Baibel lono pi ani (Isaya 53:6; 1 Johan 3:4) Hipau ghenguno amulokusa shikeu, kubangu keu, avehu kughuzu, angukusa, aloshikupusu amulo ghime, jekuchu, eno hinguno alau akumla lhokusaqo, hitoikeu kumla shivekeu jume ye akithi (**Rommi 6:23**) Akumla lhokusa hitoikeu shichekemiqo ye akuxupu lo xuchile ithughimonani, ikemu amiyizu lono puhavenikeu lo ithughinani (**Piyekusu 21:8**). Axine no kitixevekeu kusu ye paikhavi kitixewovenani eno kunguyeghiqha ghenguno kumsapu lakhi shivenani.

Titio Alhou no Lucifer eno pa gholo kusumiyo kumtsu kungugha lono haphekhaweke (Piyekusu 12:7-9).

Lucifer ye pa jeh akithe lakhi kuvetsu, tiye Satan ipi, eno tipau kiji ye "aghami" eno pa gholonno ikiqivekemi kugumiyo pesu tughamiyo (demons) ipi kuvetsu. Satan no Adam ngo Eve pama pishiqhive, eno axine shivepe. Pama xine huno ayeghi lo timiqo kumtsu kitixeve, tipauye timiqo ghenguno kiutoi ahakusapu eno anguku sapu lakhi shive kela! Satan vechewono akivi ngo alhokusa kuma dolo kukupuna hu ayeghi lo ghi suiqiqhive, tighenguno Satan eno pa ghinimiqo kumtsu ayeghi lo hapiqive. Tishikeu lono alhokusa huno timiqo shou alau alau alhokusa shikithe wove, ado aghuloki alau alhokusa lo ilokitheve.





Tishi aghiepinamu tile Alhou Nu ani - Paye Pakutoshi Alhou ke- Pa kuxu pesu axinemiqo kumtsu ghenguno aghashivetsuni ipi Pano pulove (**1 Korinthiami 5:7**) Pano aghashivetsuke ikhiluvekemi axinemiqo ye Pano panongu kuqhopheluve nani (**Rommi 3:25**) Ajukuvu kupughu shipuakeu lono piakeuno tsutsala luthu lakhino pa muloki khaqhieno Pa kusu aye Jisu no pa muloki lo iloghini (**Piyekusu 3:20**) eno pa pekilipesu timi kithe lakhi shivetsunani (**2 Korinthiami 5:27**) Satan pishikiqhi tuchilelu kepu kuka tsunani eno luchilepe thosu lo pa lhosuakeu Alhou julho lo suvetsunani (**Bothubo 1:26, 27; Rommi 8:29**).



Hitoi zuqhushivetsuke kumla kumughavetsuke thiu ye Satan gholono axine qhoi shipuhave nani. Kungumi pa gholo kusumiqo eno ayeghi lomi khiunoqo pano pishiqhiluvono Alhou ghochile akemiqo kumtsu Satan gholono puhave nani (**Mathi 25:41; Piyekusu 21:8**). Tinguno alau ayeghi hipau lo Jisu yehkipe eno Satan yehkipe kuma qhitsuani, eno ayeghi lomiqo pelo Khristo laumi shinikeo Satan laumi shinikeno luthu lakhikhi no kishelupenani (**Mathi 24:14; Piyekusu 14:6, 7**).

Kungugha kughaki lono timi luthu lakhikhi kumla phujuno kughathabeve nani (**Piyekusu 14:10-12**). Tile timi luthu lakhi pelo Khristo kishelunikeo Satan kishelunikeno tino pa kuxu ashekhau Xakuthami shilupenani. Pano Khristo kisheluyaye lhokta kuxupu, ikemu pano Satan kisheluve aye tino lhokta kithi tsunani

(**Piyekusu 22:11, 12**) Ashekha lo ayeghi hipau shou axine qhoi shikimithavenani, eno tipau shou Alhou no ayeghi kithe eno kungughaqo kithe mlanani (**2 Pitor 3:13; Isaya 65:17**), Tilehi axine khilemu ide iephipemano nani (**Nahum 1:9**). Alhou no ayeghi kithe hipau pesu Pa w timiqo tsunani, eno panongu pelo tilehi lhokta xucheuvepe nani (**Piyekusu 21:1-5**). Tilehi Apuh eno Anu pama no panongu wu timiqo gholo tokhoikeu lokivi eno kuqhakulu kuxu lo lhokta xucheuve nani.

Hi kumtsu "Ghuthu khavi lono Zuqhu shivetsukeu" kumla vechewono suighi anike. Akumla hipau ghili Kuchoyehsu aqau lo Achineki lo kumla vechewono kishukulushi hephope ningu lau Piyekusutsu ani. Akhotoshi Zuqhushivetsuke tsala (day of atonement) vechewono. Kichepuwotsuke kumla hipau ye Jisu kithi lono shikupueva. Pano ningu kimiyeno Pa kuxu pesu aghashivetsuke huno shukupueva. Pa vechewo likhino xakulupu ani, tsutsala ninguno Pa lau xaide ighi aye (**Apostolmi 4:12**). **Piyekusu 14:6-12** lo atsape kuthu lono ayeghiqha lau atsape tsu akeuno ningu kumtsu Pa mlla lo pi ku ani, eno tipau lo ningu ye akichihi akepu kuha.

14

Kiu ghenguno ampe 490 dolo apineh do ashekhau (ampe 7) pesu ayeghiqha xu-lhe ashekha lo Khristo ghumi kumla shitsukea?

Khokichile: Ninguno kuchou hipau jukidejuni:

- A. Tungkuputsa lo ampe 490 tsupuakeu lo tile ado kothape qhikeu kiumo kimichitsu puamo. Tipau ye thevekeu momu keshevekeu shimono tishi tamono mlakibekeu shi ani. Alhou timiqo ye ampe 70 inami yeghi lo hakughutsuvekeu toikeuke. **(Danel 9:2)**
- B. Kuchoyehsu lo tungkuputsa lo ado kikihi (atsalaqo, apineh doqo, aqhiqo eno ampeqo) thevemono vejoji shikibevekeu shicheni. Hipau ghili asheki chishi phujuni.
- C. AD. 27 lo Jisu no azulo putsukeu hipauno apineh do lakhi tiye ampe tsuni huthukeu shi ani. Pano azulo putsuluvekemtsa “ado hu shikupuvae” ipi kutsuthuve **(Mark 1:15)**.
- D. AD. 31 ghixutusho lo Pano cross lo akelo igha “hino tave” ipi **(Johan 19:30)**. Danel 9 lo Pa kithi ghili pipuwo puatsukeu shikupuvekeu tsa pike.

1. Messiah “ghiqhive nani” ipi **(ajo 26)** lo pipuakeu hu shikupuve.
2. Pano “aghakishi kumlla gho tsukeu kumla hu kishekhavetsu nani” ipi **(ajo 27)** lo tsupuakeu shikupuve. Alhou wu Bheriti hu ghiqhive **(1 Korinthiami 5:7; 15:3)**.
3. “Akipimi kumlaqo ghenguno Pano Alhou sasu alupekilivetsu nani” ipi **(ajo 24)** lo pipukeu hu shikupuve.
4. “Apineh do mta lono Pa pithivenani” ipi **(ajo 27)** lo pipukeu hu Shikupuve.

Ampe 7 hipauye tungkuputsa lo ye apineh do lakhike. Ampe 490 kothape Judahmiqo tsupuzu hipau dolono panongu pelo Alhou lau xaide ighivepenikeu tsukethono hipau lono ampe tsuni kothape ashekha tsala lo ghenguno qhipuatsu ani ipikeu ye Baibel lo khilemu kuha. Ikemu hiey timiqono Danel eno Piyekusu lo tungkuputsa qo vethamlakeu lonoke. Panonguno hitoi ampe 7 kothape qhivekeu huno kutomo shikughuzu eno sabideve anike.



15

Jisu no zuqhushi aghashivetsukeu ye o ghengu lonoke. Noye o kuxu lo Pa ku suluvono oxineqo launo o shikimithevetsupe eno o kughapesu timi akithe lakhi shivetsu penishi anima?

Nono khochilenikeu:



Nono Iniju Keu Khochiletsu Ani

1. Akibo aghulou kuka **Danel 7** lo eno **Danel 8** lo tsupuakeuye athokeshea?

Khokichile: **Danel 7** lo akibo aghulou pesu pope wu hiyam kiqitsu ani. **Danel 8** lo akibo aghulou pesu Alhou kumthami (pagan) Rommi eno Khristo kukuhou lo pope yehkipe (papal) kuma kiqitsu ani.

2. **Danel 8:14** lo atsala 2,300 ye Ibrimi tsala “kijiliu eno inaqhe qhethonhe kini aqhekuthu” ipikeu kiqiye atsala 1,150 ke ipi hamino pichenike kumokeshea?

Khokichile: Kumoe. **Bothubo 1:5, 8, 13, 19, 23, 31** lo Baibel lono pi akeuno kijiliu shi eno inaqhe shikeu pesu atsala lakhi ipi ku ani. Tinguno alau xu-lhe lo kiulonomu tungkuputsa lo atsala 1,150 shikupuveku tsupuamo.

3. **Khristomiqo no pano kuxu lo kishelunikeu saje (part) ye kiukea?**

Khokichile: Saje akijue ninguno kisheluno mlamayasakepu ani. Alhou laghi ye timi pelo ililai kishelunikeu shipuatsu ani (**Joshua 24:15**) Pa ye kumtsu xalunishi ani (**1 Timothy 2:3, 4**) Paye ililai kishelunikeu pulotsu (**Zahkiniu 30:19**) Alhou ye Satan pelo ililai kishelunikeu pulotsu. Adam ngo Eve pama pelo ililai kishelunikeu pulotsu. Amikucho ye khilemu lakhape eno khathape qhive chemo. Luthu lakhino kungugha lo ikunishimoamu tsuikhomo pa sasu ikuvenikeu yehza mlapuamo. Kishelu ipikeuye ninguno khiu eno kiu kisheluniken ogho opulou shilunikeu pi ani. Jisu no ningu vilo Pa kishelulopi ani (**Mathi 11:28, 30**) Tsala pekighi kuxu lo ninguno khiu huthuniken kishelulopi ani (**Joshua 24:15**). Tsutsala nono Pa kisheluaye Pano okuxu pekilipe Pa kimihilo sulovenani eno ashekha loye Pano osasu Pa kukaqha akitheu lo ilonani. Hi kumsulu chelo: ado kumtsu lo noye alakumolo wuwe aghicheni, tishimu Alhou ye olau anguka shichemoke, tighenguno noye tsala pekighi kuxu lo Pa huthunikeu alhoayeh shilulo.

4. **Kutomono Danel 8 lo akibo aghulou kuka ye Seleucid lo akukau Antiochus Epiphanes ke ipichenikehu tiye kuchou keo mokea?**

Khokichile: Tile akiqi kutomo ani. Hile akiqi hami kichetsu ani:

- A. Antiochus Epiphanes ye “shishe kije” kumo. Tungkuputsa lo pipuakeu kiqi lo ikughiluamo (**Danel 8:9**).
- B. Paye Seleucid kukaqha lo ashekha ghulokiu ayehepeku kumo, (**Danel 8:23**) lo pipuakeu toi, ikemu paye amta qha lo ka ke.
- C. Khiuno Epiphanes pesu akibo aghulouke ipi kutsu cheniken pa pelo Danel 8 lo atsala 2,300 pesu ampe 2,300 kihiju pelo. Tungkuputsa lo atsala lakhi pesu ampe lakhi sasu aqhemi shipuatsu keu kihiju pelo. Epiphanes no ampe 6 toikeu ka keuno ampe 2,300 tsupuakeu sasu aqhemi shi kimighi kulupu keshea? Kiu kiu ghola lono shi anamu ado hipau pesu Epiphanes kimighimlake.
- D. Akibo aghulou ye tiqheli kikishekha kutolo anani (**Danel 8:12, 17, 19**) ikemu Epiphanes ye BC. 164 loye thive.
- E. Akibo aghulou ye “shishe kije” shivenani, apeu, kipelau, eno Palestine kutolo ipe qhasu nani (**Danel 8:9**) Epiphanes ye ado hami Palestine lo ayehepe kethono paye apeu Egypt shou ayehepe mla, kipelau Macedonia shou ayehepe mlake.



- F. Akibo aghulou no Alhου kungo-a achineki ikhihive tsunani ipi (**Danel 8:11**). Ephesian miye Jerusalem chineki kutsa puamoke. Ikemu pano tipaulo akumulala khache kutsavetsu ipi keu likhike. Ikehu Rome mino A.D 70 lono Jerusalem eno achineki kutsavetsu kethono **Danel 9:26** lo pikeu kiqui huye khilemu Ephesian mino Jerusalem kutsave keu kumoke.
- G. Khristo no **Danel 9:26, 27** lo shikupusa eno shikuchube veni keu lo picho tsukeuye Ephesian mino B.C 167 lo muqhumuzai achineki kumulaqo shikuchube vetsu keu ghili pimoe, ikemu tiye ighinikeulo Rome Mino paghulokilo lono, tiye A.D 70 lono Jeruseleme eno achineki kutsavetsu keu ghili pitsukeu **Luk 21:20-24** lono ithulu Ani. **Mathi 24:15** lo Jisuno Danel tunkupu no pichotsukeu (**Danel 9: 26, 27**) huye kughou Khristo mino (ighinikeulo) shikuchube eno shikupusa hu Jerusalem lo akimithe-a lo puthugho aghikeu ithulu Nani ipi picho tsuke. Ikemu hipaughu timino vetha pimiveke.
- H. Jisuno **Mathi 21:33-45; 23:37, 38; Luk 19:41-44** lono mutsumeshei Israel mino Khristo pe panongu kukau eno panongu xakuluu kumoke ipi lachile venikeu pitsukeno, tipau sutsaye **Danel 9:26, 27** lo pupuatsu keu huke. Hipau sutsaye Israel mi pelo Khristo ikhiluve penike Ampe 490 panongu lau ala ado kophetsu kethiughi tamomithe Khristo lachile auve keu sutsake. Tighenguno Antiochus Epinahas khuu B.C 164 tiye Khristo punu mphu zuu ado kusho lono thivekeno paghili piani ipi keuye **Danel akihe 8 eno 9** pesu akiqi kumu kuhakeu lo qhivetsu Ani.

Hilehi okukumsu eno injuakeu pitsulou



15



16



17



18



19



20



21



22



23



24



25



26



27

Akiphi kichekutsu hipau ghi akiphi 27 gholo lakhike.

Akiphi kumtsu lo akumzapu kuchouqo no chittoi ani, hipauno no eno no kibolomiqo kuxu pekilivetsukulupu anike. Akiphi lakhimu vezuve kevalo.

- Akiphi kichekutsu 15:** Khiuno Khristo ghumikea?
- Akiphi kichekutsu 16:** Aqha lono kungumi tsapeqo
- Akiphi kichekutsu 17:** Alhou no akupughuqo shi
- Akiphi kichekutsu 18:** Ado achipi lono! Tungkupu sukusu piyetsu
- Akiphi kichekutsu 19:** Ashekhau kughathabenikeu
- Akiphi kichekutsu 20:** Tughashi michipu
- Akiphi kichekutsu 21:** Baibel Tungkuputsa lo USA
- Akiphi kichekutsu 22:** "Totimi" kutau lakhi
- Akiphi kichekutsu 23:** Khristo nipu-kulaliu
- Akiphi kichekutsu 24:** Alhou ye ayepukighithimi eno akuka kutau pe akemiqo lau muzusutsu keshea?
- Akiphi kichekutsu 25:** Ningu ye Alhou shou pukhu anima?
- Akiphi kichekutsu 26:** Kikimiye huno pekilivetsu
- Akiphi kichekutsu 27:** Ide ighima

Noye niu Akiphi Kichekutsu-u 14 ithuluvama? Ithulu mono aghi aye, akiyeh tsulo:
Amazing Facts India, Post Box No 51, Banjara Hills, Hyderabad-500034

Kimiyepu Summary Sheet hipau kishekha mphu zuwuno akiphi phijulou. Khokichile kumtsu akiphi kichekutsu lono ithulunani. Chejuno achipiu khokichile lo sutsulo. **Akikihi parentheses lo piyepuakeu (1) no khokichile achipiu ke.**

Form tipau pichivenikeu ghenguno kimiye pu “Adobe Reader” peithalo.

- 1) **Danel 8 lo bheritsu kimighitsu akeuye (1)**

Babylon	Greece
Medo-Persia	Rommi
- 2) **Danel 8 lo anetsu pesu kiu kimighitsu kea? (1)**

Egypt	Greece
Palestine	Assyria
- 3) **Danel 8 lo akibo aghulou kuka pesu (1)**
 Antiochus Epiphanes kiqitsu
 Alhoumuthakemi (atheism) eno pope
 yehkipe kimighitsu
 Pope yehkipe kimighitsu
 Irag kimighitsu
- 4) **Israel ghuloki lo zuqhushitsu keu tsala (day of atonement) pesu kughathabekeu tsala lakhi shitsu (1)**

lye	Moe
-----	-----
- 5) **Ampe 2,300 lono Judahmi ghenguno ampe khijehi kothatsukea? (1)**

Ampe 490	Ampe 1,810
Ampe 700	Ampe 100
- 6) **Baibel tungkuputsa lo atsala lakhi pesu ampe lakhi kimighitsu (1)**

lye	Moe
-----	-----
- 7) **Tungkuputsa lo ampe 2,300 pichhopuwo tsukeu shiipeghi mphu zuu ampe 500 ghulokiuno pichhopuwotsu, tiye Messiah AD. 27 lono ipeghinikeu pi, tipau kiqu lono Pa ye ado achipi lono ipeghi. Hipau lono phuphetsu akeuno (3)**
 Baibel ye kuchouno muzusutsukeu ke ipi phulu ani
 Kungumi Gabriel no akumughashi pi ighikepi phulu ani
 Tungkuputsa lo atsala tsupuakeqo kumtsu achipike ipi phulu ani
 Jisu ye Messiah ke ipi phulu ani
- 8) **Ampe 490 kothape Judah shiyeh ghenguno tsukeuye AD. 34 lono ashekha shive, tile akhopemiyo ye kiu shikea? (1)**
 Panonguye ashiaiyeh kutami kutsuthuve
 Panongu ye ado kushuwa theve
 Judahmiyo ye ampe 34 thiuye xakulo
 ithulumoa kena ipi kumsuve
- 9) **Danel 8 eno 9 lo tungkuputsa lo ampe 2,300 kiqu lo, AD.1844 lo kiu shi ipeghikea? (1)**
 Kungughha lono kughathabekeu huthuve
 Judahmi ghenguno ado kothatsukeu ashekha shive
 Jisu ye kungugha lo ikuve
 Alhou no timi kumtsu lau kimiye keu hukikha khave
- 10) **Kungugha lo zuqhushitsu keu tsala (day of atonement momu day of at-one-ment) lono kunguyeghiqha kumtsu Alhou sasu kuqhakulo lo ighive. Hipaqo gholo atsajo khikhiuno zuqhushitsu keu ghili kichetsu anikea? (10)**
 Jisu no Pa kuxu pesu ningu kithi pi lovetsu
 Jisu no axine kipimi launo ningu khaqhiphetsu
 Jisu no ningu kuxu qhoi pekilipe timi kithe lakhi shivetsu
 Alhou no ningu luchilepe Pa julho lo suluve
 Jisu no kungugha kughaki lono luthu lakhi no Khristo huthunikeu kishelukeu eno Satan huthunikeu kisheluku phuju ani
 Satan no ayeghi lomiqo shipusavenikeu kupughu shi akeu, eno Alhou no timi kumtsu xaphelunikeu kupughu shi akeu tsape pesu timi kumtsu lau tsu ani
 Satan, axine, eno axinemiyo kumtsu kutsave nani
 Alhou no kungughaqo kithe eno ayeghi kithe
 Pa wu timiqo ghenguno lhophe nani, eno panongu gholo lhokta xucheuvenani
 Axine ye khilemu ideipeghimonani

Jisu no Calvary lono aghashivetsukeu likhino zuqhushitsu keu kumla shikuputsuke Satan eno pa ghinimiyo ghi amulo pebideveno xaluvanani

11) Tile Baibel lo ashekhou pinyeh do-ampe 7-ampe 490 lono kothaphepe Judah shiyeh tsukeu eno pesu Khristo ghumi kumla ghili phukideju akepu vehu kiumu kuha (1)

Kuchouke Kuchou kumoe

12) AD. 34 lono (3)

Judahmi ye Alhou no kishelukeu shiyeh shinikeu ashekha shive Akhopemiyo ye shiyeh kutami kutsuthuve Amikuchou Stephen ye atu pesu veqhipithive Kungugha lo atsakukugha huthuve

13) Tungkuputsa lo ampe 2,300 pipuwo puakeuye (1)

AD, 34 lono huthuve

1944 lono huthuve

BC. 1491 lono huthuve

BC. 457 lono huthuve

14) Danel eno Piyekusu lo tungkuputsaqo ye ningu ghenguno eno ningu ghuloki ghenguno tsupuani (1)

lye

kumoe

15) Khristo no I kuxu ghenguno aghashivetsukeu ikhilu ani, niye I xineqo launo I kishikimithetsu penike Pa ku su ani

lye

Moe

Kungu inju puakeqo achipilo khochile tsulo!



Tilehi kihisuvani keghenguno oje, email eno thepiu kikihi sulou.

Owu akiphi kichekutsu KUMUSA no ithuluni keghenguno "Sulou" lo inalo.

Oje :	<input type="text"/>			
Owu Email :	<input type="text"/>			
Thepiu kikihi :	<input type="text"/>			
Okungo-a :	<input type="text"/>			
Aphugui, District :	State :	Aghaqhu :	<input type="text"/>	
Pin :	Apunu mpe amqo:	Gender :	<input type="text"/>	

Anile shi no kusutsa nikeu tipau tsulou